

Қожа Ахмет Ясауи атындағы Халықаралық қазақ-түрік университеті
Жаратылыстану ғылымдары факультеті
«GREEN GROWTH» клубы

«Экологиялық дағдарыстан шығу жолдары» атты ашық дөңгелек үстел өтті

Сенат залында Қожа Ахмет Ясауи атындағы Халықаралық қазақ-түрік университетінің 30 жылдығы аясында «GREEN GROWTH» клубының ұйымдастырумен «Экологиялық дағдарыстан шығу жолдары» атты дөңгелек үстел өтті.

Дөңгелек үстелге арнай келіп қатысқан «Экология және химия» кафедрасының профессоры Мейірбеков Әбділда Тұрсынханұлы ғаламдық экологиялық мәселелерге тоқтала отырып, қазақ халқында өскелең ұрпаққа экологиялық тәрбие берудің тарихы тереңде екенін нақты мысалдармен жеткізді. Келесі сөз алған «Экология және химия» кафедрасының доцент м.а. «GREEN GROWTH» клубының жетекшісі Әбдімүтәліп Нұрлыбек Әбдімүтәліпұлы адамның табиғатқа әсері мыңдаған жылдар бойында қалыптасқан табиғи жүйелерді өзгерту, сондай – ақ, топырақты, су көздерін ауаны ластау арқылы жүзеге асуда. Бұл табиғат ахуалының күрт төмендеуіне әкеліп соқты, көп жағдайларда орны толмас зардаптар қалдырды. Экологиялық дағдарыс шын мәніндегі қауіпті төндіріп отыр; іс жүзінде тез өндіріс алып бара жатқан дағдарыстық жағдайларды кез келген аймақтардан көруге болады деп сөз қозғады.

Дөңгелек үстелде сөз алған студенттер Қазақстандағы экологиялық проблемалар, Арал теңізі, Семей ядролық полигоны және оның салдарлары, Каспий теңізінің қазіргі жай-күйіне тоқталды. Шараға қатысушылар өздерін толғандырған экологиялық мәселелер төңірегінде сұрақтар қойып, пікір алысты.

Дөңгелек үстелдің соңыда Мейірбеков Әбділда Тұрсынханұлына студенттер мен магистранттардың азаматтық сана-сезімін, экологиялық мәдениетін, көшбасшылық әлеуетін қалыптастыруға қосқан үлесі үшін алғыс хатпен марапатталды.





«GREEN GROWTH» клубының жетешісі Н.Әбдімүтәліп

